

天笑生著

教育小說
孤雛感遇記

商務印書館

五彩家庭教育畫

現出三冊

文字淺白。圖畫精彩。

與本館出版之兒童

教育畫相輔而行。饒

有趣味。洵幼童之新

玩品。無形之良教師。

每册七分

中華民國二年三月初版

小說孤雛感遇記一冊

(每冊定價大洋貳角伍分)

編纂者

吳門天笑生

發行者

商務印書館

印刷所

上海北河南路北首寶山路

總發行所

天津

分售處

北京

◎ 翻印必究

安徽
蕪湖
杭州
長沙
福州
桂林
漢口
廣州
南昌
潮州
重慶
濟南

上海
天津
南京

小説育
孤雛感遇記

天笑生

第一章

孤雛感遇

天笑生曰。凡紀一事。先必詳載其地之風物。一似地靈人傑。聰秀之子。必居明麗之鄉者。今有一地焉。左臨大湖。平鋪如鏡。右聳層巒。萬山滴翠。如浴後新妝。宿雨初霽。晴空一碧。萬綠茸茸。生意方萌。暖風撲地。小鳥亦狎人而飛往來。此間者。則有踏青之游客。絲廠之紅女。晨出晚歸之學童。時則好風捲處。隱隱聞雲澹風輕之歌。出自嬌娃之口。則采茶女子也。

驀然間。則一片隆隆之聲。如走輕雷。汽笛鳴。曳殘聲。以出叢林。則東來蜒蜿之汽車也。其地有車站。名麗娃鄉。車停。即聞有人呼曰。麗娃鄉。麗娃鄉。有客趣下車。於是魚貫而下者。有旅客不下三十人。一出車站。即東西亂走。其中有一人。作西裝。丰姿秀挺。年約二十七八。右手執榔木杖。神情優逸。左手似不甚便利。然望而

知爲一英俊少年。

既出車站。卽以杖招人力車夫。蓋此間多名勝游山之客。踵趾相接。而多有藉車代步者。生涯亦不惡。車夫聞喚。卽趨前曰。先生將往何處者。語我可也。客曰。來此游山。先覓一寓所爲便。車夫曰。有。有此間有臨川屋。佳客寓也。客試往下榻。必不以小人之言爲謬。客曰。由此間往寓所。車值幾何。車夫曰。路不過三里。惟崎嶇難行。客官正直。我亦不昂。值得小銀圓三角足矣。

客曰。可。惟我尙有行李數事。車小。恐不足容。車夫曰。此需別喚一車。客微領首。車夫乃號召其侶曰。阿熊。阿虎。趣來。趣來。卽有兩健者奔至。乃以一車載行李。而比較略美麗之一車載客。一挽一推。疾負而趨。沿一小村而行。如鶯梭織柳。無此捷也。

客固好談。乃一路與車夫互爲問答。曰。此間何產。彼夫桑田。畊。想多飼蠶之家。一春所產之生絲。當亦非鮮。車夫曰。客官獨未聞。麗娃鄉。宿爲產絲之名區乎。賓

蘭香中乃過初夏。邇來又有絲廠數家營業愈盛。當蠶忙之際。我輩丁男亦須助力。客笑曰。不信汝輩一雙粗糙之手能繅此細滑之絲。車夫曰。客官莫相笑。此亦村人職業也。且客官叨叨問此奚爲者。得無爲絲商乎。

客曰。否。我非經商者。拽行李車之阿熊笑曰。我固知客之非商人。觀君態度或且爲某學堂之教習先生。客曰。否。我不爲人師。我少隸尺籍。陸軍中一士官也。阿熊曰。虎哥客爲軍隊中人。何溫文乃爾。我憶吾村中李三兒。非亦入軍隊者乎。其狀乃令小兒見之而夜啼。阿虎曰。若不見吾鄉之孫文毅乎。當其初從軍時。貧困不能自存。及夫戰爭歸來。聞已得官衣服。亦甚煊麗。胸前燦爛者不知所懸。何物迥非李三兒比。

火車站初見之車夫名阿松。至是乃曰。孫文毅歸時。聞已以軍功得保至軍曹長。胸前纍纍者。卽所謂勳章也。此人少時曾入學堂受教育。爲人亦謙恭有禮。惜哉。惜哉。客方靜聽。至是戛然而止。急問曰。何也。此人乃負傷耶。車夫曰。聞彼當日力。

戰時亦曾負創。及歸里時創病亦癒。五六年前近村有人家火事渠率先援救登屋而顛以破腦死鄉人感其義資其葬事故至今道及人猶有憶之者阿松曰是也此可爲我鄉之義人乃破巢僅一孤雛而已良可歎惋。

客曰孫某獨無妻耶。曰有之距孫某之死未及一年戚戚之孀亦以病死故僅此一雛流落村間。客曰其兒年幾何矣能任事乎。曰乳名雄兒年纔十二三歲鼻直口方脫不落薄人目之爲將門之子云客曰以理言之其人未必無後安知是兒暫時落寞異日不奮發也。車夫曰願如客言又曰我觀客官左手亦似不自由得無亦以戰爭而負創乎客微笑曰然當日在摩天嶺襲擊時手足胸部均受彈創幸未中要害漸次醫癒今猶得到此游歷也。

語時一路見山色重重環繞而行翠黛撲人襟袖流水潺潺其聲清冷似慰遠來之客恐其寂寞而奏清樂者微風拂袖令人意氣爲爽道中稚子鵠立爲禮此青年士官舉目四矚覺此邊景物在在足以滯人已而乃入臨川屋結構頗精。入門

正中方懸一掛鐘。則恰在九點三十分鐘也。

此旅館主人爲兩夫婦。膝下有十四、五歲之嬌女。及一扶牀初步之兒。待客周摯。有太古樸厚之風。適時聞有客至。咸來招待。有女垂髫。常依母側。車夫乃卸行囊。則革囊數具。女主人私問車夫曰。客官何姓也。阿熊曰。試觀革囊上之名刺。便知我輩。日日以車御人。安能記憶得爾。許女主人笑讀名刺曰。金士荃。陸軍中尉。是矣。金先生請少坐。獻茶。客曰。我此來。以病體。故醫家言。宜山居養疴。不知此間至白雲峰。需幾何路程。女主人曰。不遠。僅三里許耳。先生擬山居習靜。則敝舍有一戚屬。家居山中。可爲貴客紹介。蓋此間游山者夥。常下榻其家。而夏日之避暑者尤衆也。

客曰。果爾。則大佳。女主人曰。客官且少進餐。此間登山車不能達。當別以人荷此行李。俟飽餐後。以午後登山。弗遲也。客曰。諾。乃啟囊出錢。犒車夫。并額外加以酒資。車夫歡躍而去。少選。老主人出。則藹然可親。聞客爲金士荃。言當日摩天嶺。一

戰曾於報紙時見大名今日不想老朽乃得親拜英雄客遙謝不遑主人乃具膳供客殼雖不豐精潔實無倫比已而女主人來言曰今有一小使可爲貴客攜行李此兒雖年穉而體力良健碩是三數革囊者負之而趨耳客曰能爲我荷此行囊者卽佳初不問其爲誰也女主人曰是一至可憐憫之孤兒年纔十三齡而椿萱並彫常來此間欲爲自食其力計我哀其孤露恆介紹於貴客幸是兒性質尙佳與以錢從不爭值也客曰如女主人言此小子良可憐女主人曰然且客未知其阿翁亦爲有名之軍人乃以援人於火而自顛其母以父故鬱鬱病卒今僅依其母族中一人住居麗娃鄉伶仃孤苦殊足令人喟歎也客慚然曰是兒何名也女主人曰孫姓國雄其名我輩咸呼之爲雄兒客曰得無孫文毅之兒耶女主人曰然客何以知之客曰知之我願見其人也

是日之午後兩點鐘白雲峰之麓綠陰如幕中有兩人及一犬一爲金士荃中尉一卽爲荷行李之孫雄兒也蓋中尉自臨川屋午餐後卽拾級登山特雄兒爲嚮

導。凡白雲峰之一草一石。雄兒無不視之如故人。且能探幽搜奇。令人意滿。雄兒肩博而背廣。頑碩類成人。惟顏色略蒼。頭蓬不治。赤其足奔走。尤捷。兩目黑如點漆。奕奕有光。衣服襪襪百結。如懸鶴。顧興致勃勃。殊不類寒乞。相中尉則心中思念此子。非長貧賤者。特以一有功於國家之軍人之子。而落薄至此。令人氣短。

白雲峰風景絕佳。況值春游之際。鳥語花香。風和日麗。似欲醺醉游人。斜陽一抹。與樹上桃花相映。而紅柳絲搖拽。又似含笑迎人。而雲氣山光。時掩映於碧陰之外。中尉一路行來。有雄兒指點勝迹。到此俗慮都蠲。沈疴亦失。背望夕陽。返射屋瓦。鱗鱗咸閃異光。行行漸至一溪。碧水一泓。清澈見底。岸上置石磴數處。以備游人憩息者。中尉略坐。卽問雄兒曰。若亦曾卒業於學校耶。雄兒曰。然。曾卒業於初等小學。高等科曾習一年。中尉曰。何故。中途遽爾輟學。雄兒曰。椿萱見背。家貧無以度日。餬口奔走之不遑。寧有閒晷以求學。

中尉曰。可憐哉。稚子若今依賴何人。得以存活。雄兒曰。今暫居外祖家。名爲外祖。

實則已阿母之遠族伯叔行矣。中尉曰老人待汝如何。雄兒曰阿翁殊不喜我。每見必呵斥隨之。我每日勞動所得之錢歸必奉渠以供彼沽酒之資。若吾阿父在日當此年齡必送我入村中學塾。今阿翁并不許我讀書。語時淚落如斷線之珠。中尉曰稚子良可憫特除此老人外乃無親屬。

雄兒曰麗娃鄉尚有一遠族之伯父。當吾母沒時曾一至吾家。與村長兩人爲我謀栖託之方乃出此策。我至其家未及三日即遭敲朴。試觀我手上創痕皆翁所爲。故余甚願得一瞰飯處爲人作苦使早日脫離苦地也。中尉曰稚子焉能爲人作苦。少年自張其肱曰我氣力足勝成人先生不信試問臨川屋之主人往者他人所不能舉者我輒舉之。幸此屋之主人厚我有客游山恒呼我爲導也。中尉曰稚子於此白雲峰想如溫舊書。一日幾遍矣。雄兒笑指其犬曰詎獨我哉。卽此盧兒已爛熟此間山道。蓋我一出門渠卽隨我行也。中尉曰佳哉。犬也能售我耶。雄兒俯首久之意似未肯已乃曰我亦未敢自專此事當問之阿翁。中尉曰。

老人愛犬未必甚於愛酒。與其蓄此狺狺者無寧直達醉鄉之域足以消萬古愁耳。脫能以此犬售我者我願以五圓購之。特恐稥子不願耳。雄兒笑而不言。

兩人一路且言且行見山上人家大半黃土築牆白茆蓋屋而中有一宇頗爲修整有樓翼然四山環之。雄兒曰先生卽下榻此間可乎。是卽臨川屋主人之戚屬家也。其名曰對山館。此樓尤佳。顧其名曰環翠樓。上有名人題詠恨我識字少不解所云。中尉曰此間風景絕佳足資我一個月勾留矣。稥子辛苦我當多與以錢。倘至山上當來我許。雄兒曰敬謝先生厚賜語畢呼其犬跳躍而去一瞥之間已不知所往。

對山館者白雲峰新築數椽之屋宇也。室雖不廣而結構頗精。此館之女主人則五十許之一老嫗也。衣服修潔見客至極力周旋俄而引至樓上一室女主人忽憶耶。我曾服役於汝家想老主人與太夫人均康健也。中尉曰我憶之其梅家姥

乎。蓋梅家姥者。曾受傭於金士荃家。金故爲巨閥。乃父歷官至山東巡撫。爾時中尉方在陸軍大學偶爾回家歸覲父母。以學科未能稍曠。匆匆仍回校。故今日相見。幾不復相識也。

已而梅家姥以其子經商略有儲蓄。不欲其母之就傭於人也。故與臨川屋之主人爲姻親。乃築此室。以柄游山之客。而生涯良不惡。屋後復有花圃桑園。歲入良豐。軍事既興。中尉遂慷慨從戎。摩天嶺一戰。以奮勇登先。乃受重創。今雖全癒。而體力尙未快復。經醫生之勸告。乃至此呼吸新鮮空氣。以蘇病軀。中尉詳告以故。并言。老父已告歸林下。吾母亦清健。有時兩老人尙憶及姥。不知姥竟在此。享茲清福。今當呼姥爲女主人矣。此間風景既佳。結構亦精。不信。老姥乃有此雅骨。從今吾輩以主客相稱矣。

嫗曰。老嫗何敢。今日天假之緣。幸得少主惠臨。足使輝生蓬蓽。至此間一切題額。則藉此名山之福。常有文人佳士。聯袂來游。惠我良不細也。老嫗語畢。反身卽行。

以來此佳客。非常歡迎。步履甚健。自後觀之似駝鳥之聳。其背乃出而呼一女侍。入市沽酒市物。又遣一傭持網向池中網取鮮鱗作羹供客。中尉以得此佳地。喜不可支。作書告其父母。以令堂上二老之安心也。

第二章

雄兒既別中尉。卽飛步歸家。幸此老人尙未洪醉。蓋老人一醉。雄兒卽無倖顧。雖在醒時。亦曾未以好面目示此可憐之童子。凡小兒以健跳活潑爲當今旣忤此枯寂嚴冷之老人。又復不加以詞色。故一室之中似滿貯陰森之空氣。令人一入其中。便爾不歡。雄兒高歌健跳。一戾家門。興致都消。如入寒冰之獄。老人不敢口。則已。一啟吻。無非詈罵小子。耽懶貪喫實。則雄兒自阿母見背後。幾同釋氏之不血食者三數年。又何論三月不知肉味哉。薄粥一甌。佐以鹽豉。少許少年人方在發育之時。意嫌不飽。擬欲再添半甌。而老人兩目稜稜。如蒼鷹之斜睨。先爲之氣懾矣。

雖在夏夜極短之時。光與夫冬夜極寒之氣。候雄兒必天未明而起。汲水挑柴。以及掃除揩拭。老人宿醒未醒。常以被蒙頭乾嗽不已。則雜以詈語。夫兒童習勤。本貧家之常事。然爲之親長必加以獎勵之詞。以鼓其氣。今雄兒雖勞動逾恒。而所償者仍此申申之詈。蓋足以慰渠寂寥。令彼歡樂者。僅此英國種之獵犬盧兒而已。是犬爲乃父所留。遺善識人意。雄兒朝夕與共。視之不啻一親朋也。

然以雄兒所依託之老人如此。吝嗇寧能蓄此犬者。顧以雄兒當日來此老人之家。卽有是犬。雄兒恆謂老人撲我。我所忍受。特不能虐待此犬。虐待此犬者。我必奔告村長。蓋村長者爲雄兒之父。執隱隱監督此老人。勿令酷視此孤兒也。

老人家在村中一小阜門前有大池一方。垂楊披拂。雜以野花。雄兒跳躡其間。有時折柳編籠持釣竿往釣游鱗。入市易錢以博一飽。距老人家數十步。則有一茅屋。其處爲村中一苦節之婦所居。節婦朱姓。十七歲卽喪其偶。遺一女名曼哥。熒熒母女作苦自活。其母藉十指以謀生。爲人縫紝洗濯。以覓蠅頭之利。顧內外清

潔教女亦以義方

今歲曼哥已八歲矣。每晨必在竹籬外飼雞。漆髮覆額。兩頰紅如林檎。衣服雖舊。潔淨無纖垢。或加以補綴。亦必端正。胸前常掛以雪白之胸圍。布穀於地。口中作閣閣聲。卽有雄雞戴其高冠。牝雞率其雛兒飛奔而至。而家鴨三四頭。亦且大踏步而來。雞驚爭食。曼哥則坐樹根觀之。引以爲樂。

雄兒每出入必經其家。有時見曼哥早起飼雞。旭日之光。方透林表。卽遙呼曰妹。起早耶。顧曼哥見雄兒。時時引避。有時遙見雄兒來。卽自匿於樹後。蓋雄兒爲武人之子。不事修飾。衣服垢敝。蓬頭跣足。初不厝意。且生平尤好惡戲。令人生怖。而更足使曼哥望而生畏者。卽此朝夕相依之盧兒也。

一日曼哥早起。俯首倚於竹籬。雄兒遙見之。仍呼曰妹。早起耶。曼哥不答。雄兒異之。趨前進矚。則曼哥垂首而泣。雄兒念曼哥雖避我。然終日嬉嬉有笑容。或唱歌遊戲。跳躍於草蹟之上。今奈何泣耶。因放却釣竿。趨前曰阿誰欺負妹子者。哥哥。

爲汝復仇。曼哥搖首不答。雄兒曰：奇哉！腹中餓耶？抑爲阿母所笞耶？曼哥曰：阿母從不笞我。我飯亦飽食久矣。雄兒曰：然則究竟何爲在此啜泣？曼哥曰：阿母病甚，我家又無錢可以延醫生。如之奈何？

雄兒聞言，顰蹙曰：此却大難事。且阿母何以一病至此？曼哥曰：三四日前人家請阿母製一衣。其人急於他行，願倍其工值。我母一晝夜未眠，感冒風寒，遂發寒熱。今則狂熱未退，時作囁語，且苦咳，夜不能睡。腰骨作痛爲狀，殊篤。雄兒曰：是必延俞先生一診治。俞先生麗娃鄉有名之醫生也。曼哥曰：談何容易！我聞俞先生診治一回，需出重金。貧家安能辦此？語時淚隨聲下。

雄兒見曼哥之泣，胸中益不能忍受。因思我當日父母在日，愛兒之心，幾如汪洋海水全傾注於兒身。今日我父母樓此重陰，我之伶仃孤苦，依人爲活，悲慘何可以言喻？我已如此，倘令曼哥之母一朝辭世，將如此？嬰兒宛宛者，何念及此？則一掬同情之淚，感喟於不自己，乃自語曰：阿母病無力延醫，此正大難事。恨我亦愛

莫能助。曼哥曰：家中僅有數百文。阿母言：將儲此爲數日之糧耳。此時雄兒沈思半晌，忽決心曰：曼哥，我有五圓可以假君。曼哥目注雄兒身上，百結之懸。鶴曰：哥有錢耶？哥亦貧困，與我等耳。雄兒遙指其犬曰：我固無錢，然將此盧兒賣却，可得五圓。已有一先生許我矣。曼哥曰：休矣！此哥心愛之犬，朝夕與共者，奈何以我故賣却？雄兒拭淚曰：妹聽之，我以少孤萬分苦惱，良不欲妹再受此無母之慘。今使人能助我救阿父者，我心感念如何？故我願助妹，令汝阿母早癒也。

曼哥聞言，將向者厭惡雄兒衣服垢污之心，已拋撇入於九霄之外。直前以兩手徑握其泥塗之腕，曰：如此則謝哥。謝哥又急放手曰：我往告訴阿母。雄兒曰：勿告母。告母則母知我賣犬，必且弗許。我且挈犬往訪昨日許我之先生，得價再往。延醫、生可耳。曼哥喜曰：佳佳！雄哥若去此，犬後如嫌寂寞，我家有雞有鴨，將去可也。雄兒思雞鴨，何能代犬，不禁破涕爲笑。然悲從中來，不能自己。乃曰：妹少待我去。